



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
OPĆINSKI NAČELNIK  
Služba za privredu,  
integrisani lokalni razvoj i društvene djelatnosti



Vogošća, Ul. Jošanička br. 80; tel: 00387 33 586-420, fax: 586-444

Broj: 03-21-SL/21  
Vogošća, 14.01.2021. godine

STOMATOLOŠKA KOMORA FBIH  
Ul. Braće Begić 38  
71000 SARAJEVO  
n/r Gosp. Mirsad Tokić

**Predmet: Obavijest**

Veza Vaš akt broj: 01-11-1/21 od 06.01.2021. godine

Poštovani,

Vezano za Vaš zahtjev upućen općinskim vijećnicima Općine Vogošća u vezi ukidanja takse na istaknutu firmu za privatne stomatološke ustanove, privatne stomatološke ordinacije i zubotehničke laboratorije, obavještavamo Vas da nažalost nismo u mogućnosti izaći Vam u susret, jer je obaveza plaćanja komunalne takse na istaknutu firmu Zakonom propisana te je postupanje u cilju ukidanja takse grubo kršenje Zakona.

Naime Zakon o komunalnoj taksi u Kantonu Sarajevo, na osnovu kojeg općine u Kantonu donose pojedinačne Odluke o visini komunalne takse propisao je obavezu plaćanje takse na istaknutu firmu.

Čanom 3. Odluke o visini komunalnih taksi na području Općine Vogošća "Službene novine Kantona Sarajevo", broj: 2/13, 7/13, 1/19, taksativno je navedeno za koju vrstu djelatnosti, u kojoj zoni i u kojem novčanom iznosu se utvrđuje godišnja taksa na istaknutu firmu. Zakon nije predvidio oslobađanje od obaveze plaćanja takse. Po navedenom Zakonu i shodno članu 6. Odluke o visini komunalnih taksi na području Općine Vogošća, u prvoj godini poslovanja samostalni djelatnici oslobođeni su plaćanja komunalne takse na istaknutu firmu.

Ujedno Vas obavještavamo da je do sada bilo više zahtjeva da se ukinu takse na istaknutu firmu, ali naša Općina kao i sve ostale općine na Kantonu Sarajevo nisu postupili u tom pravcu, odnosno nisu ukinuli nikome komunalnu taksu. Pored toga još uvijek nisu konstituisana općinska vijeća na nivou Kantona Sarajevo, te se saglasnost ne može donjeti jer nemamo Općinsko vijeće.

Napominjemo da je naša Općina tokom 2020. godine u svrhu prevazilaženja negativnih ekonomskih posljedica usljed pojave pandemije koronavirusa, uvela i primijenila niz mjera u smislu olakšica privredi, te je ukinula plaćanje zakupnina za mjesec april i maj 2020. godine, izvršila je uplatu minimalnih mjesečnih neto plaća za mjesec april i maj 2020. godine svim subjektima koji su se obratili i koji su ispunili uslove po Javnom pozivu, ukinula je administrativne takse na sve podneske u upravnom i drugom rješavanju u organu uprave, te i dalje vrši regresiranje kamatne stope u potpunosti, na kredite svim subjektima koji se obrate odabranoj komercijalnoj banci za kreditnu liniju, (Općina snosi u potpunosti kamatu na kredite), te niz drugih mjera u svhu relaksiranja negativnih ekonomskih tokava u privredi.

S poštovanjem



Pomoćnik načelnika

Dženana Bešlija